



Газета 1966 йил
1 июлдан
чиқа бошлаган

ШАҲАР ИЖТИМОИЙ-СИЁСИЙ КУНДАЛИК ГАЗЕТАСИ

№ 20 (12.081)

Баҳоси эркин нарҳда

ПОЙТАХТНИНГ БИР КУНИ

«Мустаҳкам оила» деган гоънининг ҳаётимиздаги амалий ифодасини кўришда, ҳеч шубҳасиз, фуқароларнинг ўзини ўзи бошқариш идораси сифатида ном қозongan маҳалла тизимининг ўрни ва таъсири бекиёсдир...

Ҳақиқатан ҳам, бундай ноёб ижтимоий тузилма ҳозирги кунда «Маҳалла — халқ виждони» деган юксак таърифга ҳар тарафлама муносиб бўлиб бормоқда.

Ислоҳ КАРИМОВ



ОБОДЛИК КҮНГИЛДАН БОШLANADI

НАМУНАЛИ МАҲАЛЛАЛАР ШАҲРИМИЗ КҮРКИ



Давлатимиз раҳбарининг «обод деганда, халқимиз, миллатимиз нафақат кўркам ва чиройли, шу билан бирга, тинчлик ва осойишталик, ўзаро меҳр-оқибат, аҳиллик, қут-бароқа ҳукмрон бўлган жойларни тасаввур қилади» деган сўзларида чуқур маъно муҳассас.

Мустақиллигимиз шарофати билан Юртбошимиз раҳнамолигида пойтахтимизда кенг кўламли бетакрор бунёдкорлик ишлари олиб борилмоқда. Маҳаллаларимиз янада обод ва кўркам масканга айланмоқда. Бу борада олиб борилаётган ишлар кўлами ва мазмунини янада бойитиш мақсадида 2011 йил 29 мартда шаҳар ҳокимлигининг «Тошкент шаҳрида «Намунавий маҳалла» лойиҳасини амалга ошириш чора-тадбирлари тўғрисида» қарори қабул қилинди.

«Маҳалла» тушунчаси Конституциямизда ўз аксини топиб, унинг жамият бошқарувидаги ўрни ва мақоми қатъий белгилаб қўйилган. Маҳалла бошқарувида бундай катта эътибор бугун мамлакатимизда олиб борилаётган изчил сиёсатнинг халқчиллигидан далолат беради. Айни пайтда у юртимизда амалга оширилаётган «Кучли давлатдан — кучли жамият сари» тамойилининг амалий ифодаси бўлиб, маънавий ҳаётимизни янада мустаҳкамлаш, ёш авлоднинг онгу тафаккурини замонавий асосда шакллантириш борасида муҳим аҳамият касб этмоқда. Бугунги кунда маҳаллаларимиз нафақат обод маскан, балки тарбия ўчоғи, аҳиллик ва осойишталик тим-солидир.

Тошкент маҳаллалари асрлар давомида таркиб топган. Аммо шўро тузуми даврида маҳалла номмига фаолият юритган. Унда шаклланди-ган халқимизнинг азалий қадриятлари четга суриб қўйилган эди.

Ўзбекистон мустақилликка эришгач, маҳаллаларга бўлган муносабат тубдан ўзгарди. Ўзбекистон Конституциясининг 105-моддаси ва «Фуқароларнинг ўзини ўзи бошқариш органлари

тўғрисида»-ги Қонунга биноан, маҳаллалар ўз ҳуқуқий мақомига эга бўлди. Бу Қонунга асосан ҳар бир маҳалла ўз ҳудудида ишлаб чиқаришни ташкил этиши, кичик корхоналар очиши, ўз ҳудудидagi аҳолини иш билан таъминлаши, аҳолига маданий-маиший хизмат кўрсатиши мумкин бўлди.

Демократик тамойилларга асосланган фуқароларнинг ўзини ўзи бошқариш органлари, яъни маҳалла тизими фаолияти такомиллаштирилди. Маҳаллаларимиз халқимиз анъаналари ва қадриятларининг том маънодаги кўзгусига айланди.

Ўзбекистон Республикаси Конституциясининг ўн тўққиз йиллигига бағишланган тантанали маросимда муҳтарам Юртбошимиз томонидан 2012 йил «Мустаҳкам оила йили» деб эълон қилиниб, бу гоънининг ҳаётдаги амалий ифодаси сифатида маҳалла тизимининг ўрни ва таъсири бекиёсди, бунинг исботини бугун ҳар қадамда учратиш мумкинлиги алоҳида эътироф этилди.

(Давоми 2-бетда)

ИЛҒОР ТЕХНОЛОГИЯЛАР ВА ЖАМОАТ ТАШКИЛОТЛАРИ

ва баркамол авлодни тарбиялаш, ёшларнинг ўз ижодий-интеллектуал салоҳиятини рўёбга чиқариши учун мамлакатимизда барча шароит ва имкониятлар яратилганини таъкидлади. Давлатимиз раҳбари ташаббуси билан ишлаб чиқилиб, ҳаётга изчил татбиқ этилаётган Кадрлар тайёрлаш миллий дастури жаҳон андозалари даражасидаги таълим масканлари, бадий ижодиёт, «Баркамол

жамоат таълим ахборот тармоғидаги ўқув тизимига оид янгиликлар, илғор педагогик ишланмалар, электрон адабиётлар, зарур барча маърифий маълумотлардан кенг фойдаланилаётгани таълим сифатини ошириш, ёш авлод билимларини кенгайтириш ва мустаҳкамлашда муҳим аҳамият касб этмоқда. Айни пайтда ёшлар маънавиятини асраб-авайлаш, уларни ёт гоълардан химоялашда

ушбу маърифий тармоқ алоҳида аҳамиятга эга.

Мамлакатимиздаги мавжуд жамоат ташкилотларининг салмоқли қисми ўз фаолиятини ёшлар таълим-тарбиясига қаратган. Бу ўқувчиларнинг компьютер саводхонлигини ошириш, педагогларнинг мазкур йўналишдаги касб малакаси ва маҳоратини изчил юксалтиришга хизмат қилаётди. Жумладан, «Шарқ аёли» халқаро жамоат ташкилотининг бир қатор маърифий, инновацион лойиҳалари рақамли технологияларни жорий этиш, мактабдан ташқари таълимни ривожлантириш, ёшлар иқтидорини юзага чиқаришга хизмат қилмоқда.

Семинарда жамоат ташкилотларининг таълимга ахборот технологияларини жорий этишдаги иштирокини янада кучайтириш, бу борада уларнинг тегишли вазирлик ва идоралар, илмий-маърифий, ахборот-ресурс марказлари билан ижтимоий ҳамкорлигини кучайтиришга оид аниқ вазифалари белгилаб олинди.

Назокат УСМОНОВА,
ЎЗА мухбири

ҚИСҚА САТРАЛДАР

Тошкент шаҳар ҳокимлигининг Ахборот хизмати ва ўз мухбирларимиз хабарларидан.

✓ **ТОШКЕНТ** Молия институтида ўтказилган маънавий-маъ-

рифий тадбир «Маънавият гулшанида — дур эрур илм» деб номланди.

✓ **УЧТЕПА** туман ҳокимлиги-

да бўлиб ўтган йиғилиш она ва бола саломатлигини муҳофаза-лаш йўлида қилинаётган ишлар-га бағишланди.

✓ **ЎЗБЕКИСТОН** Бастакорлар уюшмасида бастакорларнинг 2011 йил сарҳисобига бағишланган давра суҳбати бўлиб ўтди.

XXI сақоси
Барча мабаладан олинган сўнги хабарлар

МАМЛАКАТИМИЗДА

• Пойтахтимиздаги «Туркистон» саройида «Ўзбекистон ҳаво йўллари» Миллий авиакомпаниясининг 20 йиллигига бағишланган тантанали йиғилиш бўлиб ўтди. Ўзбекистон Республикаси Президенти Ислоҳ Каримовнинг «Ўзбекистон ҳаво йўллари» Миллий авиакомпаниясини жамоасига табригини Президентнинг Давлат маслаҳатчиси Х.Султонов ўқиб эшиттирди. Ўзбекистон Республикаси Президенти Фармонига мувофиқ «Ўзбекистон ҳаво йўллари» Миллий авиакомпаниясининг 20 йиллиги муносабати билан бир гуруҳ ходимларга мамлакатимизнинг иқтисодий салоҳиятини юксалтириш, миллий авиациямизни халқаро стандартларга мувофиқ равишда ривожлантириш, шу соҳадаги ислохотларни муваффақиятли амалга оширишга қўшган муносиб ҳиссаси ҳамда ижтимоий ҳаётдаги фаол иштироки учун фахрий унвонлар берилди ва улар орден ва медаллар билан тақдирланди.

• Тадбиркорлар ва ишбилармонлар ҳаракати — Ўзбекистон либерал-демократик партияси томонидан Олий Мажлис Қонунчилик палатасининг Аграр ва сув хўжалиги масалалари қўмитаси ҳамда Ўзбекистон Фермер хўжалиқлари уюшмаси билан ҳамкорликда давра суҳбати ташкил этилди. Унда фермерлик ҳаракатини жамиятдаги етакчи қўлга айлантиришнинг долзарб масалалари муҳокама этилди.

• Тошкент Фотосуратлар уйда руминиялик фоторассом Теодор Раду Пантев асарлари кўргазмаси очилди. Ўзбекистон Бадий академияси ҳамда Руминиянинг мамлакатимиздаги элчихонаси ҳамкорлигида ташкил этилган кўргазмада рассомнинг энг сара асарлари намойиш этилмоқда.

• Наманганда Алишер Навоий номидаги вилоят мусикали драма театри қошида очилган «Ёшлар театр студиясининг тақдироти бўлиб ўтди.

• Ангрэн шаҳридаги «Ангрэн мест милк» масъулияти чекланган жамиятида гўшти қайта ишлашга мўлжалланган технологик линия ишга туширилди. Ушбу лойиҳани амалга оширишда банкнинг 77 миллион сўмлик кредитидан ташқари, жамиятнинг ўз маблағидан ҳам самарали фойдаланилди. Айни пайтда 20 киши меҳнат қилаётган корхонада йилига 300 тоннадан зиёд маҳсулот тайёрлаш имконияти мавжуд.

ЖАҲОНДА

• Ўтган йил якунларига кўра, Хитой дунёдаги энг кўп кўмир экспорт қилган мамлакат бўлди. Жумладан, 2011 йилда мазкур давлат ташқи бозорга 132,4 миллион тонна кўмир сотган. Халқаро энергетика агентлиги вакиллари яқин йиллар ичида Хитойга бу борада Япония, Жанубий Корея, Хиндистон, Тайвань, Германия ва Буёк Британия жиддий рақобатчилик қилишини таъкидлашмоқда.

• Кеча Швейцариянинг Давос шаҳрида Бутунжаҳон иқтисодий форуми якунланди.

• Бельгияда ҳукуматнинг иқтисодиётда қўллаётган кескин чораларига қарши 24 соатлик иш ташлаш бўлиб ўтмоқда.

• Венесуэла Президенти Уго Чавес мамлакатдаги бир қатор банкларнинг давлат иқтиёрига ўтказилиши мумкинлигини маълум қилди.

• Кеча Приморье ўлкасининг беш нафар фуқароси Владивостокда террорчилик ҳаракатини амалга оширишга уринишда айбланиб, ҳибсга олинди.

• Фиджи ороллари ғарбида юз берган кучли сув тошқинлари ва ер кўчиши оқибатида олти киши ҳаётдан кўз юмди, уч ярим мингдан ортқ одам ўз тузар жойларини вақтинча ташлаб кетишга мажбур бўлди. Тошқин сурункали ёмғир туфайли келиб чиққан бўлиб, айни пайтда мамлакатнинг Нади, Лаутока, Ба, Сигатока ва Ракираки туманларида фавқуллод ҳолат эълон қилинган.

• Япония сейсмологлари мамлакатта яна бир табиий офат хуруж қилиши мумкинлигини маълум қилдилар. Уларнинг билдиришича, яқин тўрт йил ичида кунчиқар мамлакатда етти магнитудага тенг зилзила юз бериши 70 фоиз аниқликда тахмин қилинмоқда. Токио университети қошидаги Фаол сейсмик тадқиқотлар маркази экспертлари мазкур табиий офатнинг маркази Токио шаҳри бўлишини айтмоқда.

